

帝南極注生大帝東極救苦青玄上帝承天  
效法后土皇地祇上窮圓蓋之高真下極方  
輿之主宰有靈有聖今古師宗馳筵主宰合  
屬真仙恭望洪慈洞昭格臣等育質三光  
造形九炁凡胎尸穢漏質庸虛宿慶彌綸茲  
逢道運幸生聖代蚤佩黃裳沐大宥之垂休  
觀真經之輔世叨逢秘檢繆奉丹盟不揆凡  
材輒居法任科文肄業香火傾心為己及人  
析思請福今有弟子共奉為仙化本師某早  
從師範宗奉仙真香火雖嚴形神未鍊靈根  
不固天運有終歸身太陰託形幽夜切恐平  
生舉動悞犯真科抵觸神明冒干天地違越  
禁忌攝此凶衰又恐六甲五行九宮八卦互  
為刑剋莫遂考終又恐先世流殃惡人咒詛  
宿冤往債結業所成伏連傳尸新故延染考  
氣注訟侵逼魂神魍魎邪精乘為大害遷化  
以後超度無由恐識滯鬼羣殃延見在是敢  
修齋行道歸命至真仰乞大慈持垂惠澤開  
釋幽對超度先師馭日紫霄乘雲丹殿北辭  
長夜南上絳宮演三洞之靈文為太平之教

主圓光附體洞照太空導引世人永超長夜  
所冀遠疆靜息風雨均調聖祚延長皇圖永  
固弟子某等道念增進心識光明速登玄解  
之鄉永作人天之庇先師超度塚宅鎮安境  
界龍神宮庭土地遷陞階品佑護生靈下賄  
幽漠之鄉俱被清升之澤上明  
天尊大慈之化下副臣等祈向之誠謹啓以  
聞

十二願  
復鑪

謹攝香官使者左右龍虎君侍香諸靈官當  
令臣向來清旦行道之所自然生金液丹碧  
芝英百靈眾真交會在此香火鑪前當願十  
方仙童玉女接待蘭煙傳臣向來所啓之誠  
速達徑御

至真無極大道

昊天玉皇上帝

東極救苦青玄上帝

出堂頌 出戶

道門科範大全集卷之七十五

道門科範大全集卷之七十六  
上清昇化仙度遷神道場儀

臨午行道

陞壇如式

各禮師存念如法

宣衛靈呪

誦歌空洞帝君存壇五帝校錄受符三官  
備衛四門東魔去好流鈴擲火陰穢焚殘  
身佩金書鍊液芝顏玄靈受合心動三關  
騎獅跨鶴控龍乘鸞萬星守舍千魔不干  
道炁長存萬仙悉安與道合真

鳴法鼓二十四通

無上三天玄元始三炁太上道君太上老君  
召出臣等身中三五功曹左右官使者左右  
捧香驛龍騎吏侍香金童傳言散花玉女五  
帝直符直日香官合三十六人出出者嚴莊  
顯服冠帶垂纓關啟玄壇土地方域神真臣  
今臨午行道謹奉為人者其諸情悃已錄奏  
聞願得

太上十方至真道炁靈寶瑞光下降流入臣

身中令臣所啓連達徑仰

太上無極大道

昊天玉皇上帝

東極救苦青玄上帝御前

請稱法位

具位臣某與合壇官衆等謹同誠上啓

虛無自然元始天尊太上帝太上大道君太上老君

昊天玉皇上帝勾陳天皇大帝北極紫微上

帝南極注生大帝東極救苦青玄上帝承天

效法后土皇地祇十方太上靈寶天尊諸天

天尊諸天上帝上清日月星斗河漢羣真三

官四聖五師三省真君九天天尊諸位真君

歷代傳宗啓教諸大師真雷霆神虎天醫諸

司官將太上諸階經籙中仙官將吏天下名

山洞府得道神仙地府酆都大帝幽陰聖衆

水府扶桑大帝閻苑真人元五嶽五天聖

帝酆都地祇合千元帥太歲土火温司聖衆

州縣城隍之神當境廟社神祇福庭土地真

官法壇諸司官將三界提魂攝魄神吏四界

直符功曹使者騰奏儀錢神吏醮筵主事一

切真仙恭望洪慈洞垂昭鑒臣等權形中土

稟質常倫宿福所鍾遭逢道運得以凡賤參

奉正真鍊氣凝神動虧真寂遊心屬想未

契玄虛今有弟子某師弟相依皆資昔會思

均覆載分等生成仙化昇沉自宜薦舉事存

明誥敢奉丹誠瀝懇玄津冥祈景佑今奉詞

旨敢不上聞

宣詞

按如詞言誠深追慕弟子某以仙化本師某

昔稟玄猷棲神道域而善功未著仙札無名  
備短有期奄從常數追傷痛悼彌切誠祈虔  
備壇場奉修齋直且等謹為考諸儀訓廣作  
津梁俾茲滅度之魂出披輪迴之域以今臨  
千行道請法衆等運茲初檢上香願此香烟  
騰空徑上供養

道尊大聖衆至真之德得道之後昇入無形  
和與道合真  
以今臨千行道請法衆等運茲二檢上香願  
此香烟騰空徑上供養  
太上尊經臣等至心皈身皈神皈命以是功  
德歸流仙化道士某消釋罪尤解除過請出  
九幽之府離五苦之庭輪轉受生常承福果  
終得仙道長樂無為遐及幽沉傳該動植九  
圖之內庶類之中賴此鴻休成臻道化今故  
燒香自皈依  
經尊大聖衆至真之德得道之後昇入無形  
和與道合真  
以今臨千行道請法衆等運茲三檢上香願  
此香烟騰空徑上供養  
太上三師臣等至心皈身皈神皈命以是功  
德歸流弟子某等真炁潛資至人降接內凝  
神素外却凶邪北官續易盡之年南府注長  
生之籍究仇銷解債訟和平九族親姻善天  
民庶幽明動植巨福均霑今故燒香自皈依  
師尊大聖衆至真之德得道之後昇入無形

大道三尊臣等至心皈身皈神皈命以是功  
德上祝  
皇帝萬壽宗社隆昌祚曆遐長寰區清晏三  
師九祖天下人民玄貺所覃並登真道今故  
燒香自皈依

和與道合真

懺方 命魔 步虛 三禮

重稱法位

其位臣某與合壇官眾等謹重誠上啓

虛無自然元始天尊太上大道君太上老君

昊天玉皇上帝勾陳天皇大帝北極紫微大

帝南極注生大帝東極救苦青玄上帝承天

效法后土皇地祇上窮圓蓋之高真下極方

輿之王宰有靈有聖今古師宗醜筵列班一

切真仙恭望洪慈洞回淵鑒臣等幸以福緣

得參真化仙經秘篆早遂稟修竊按真經深

明旨教師恩至重義等天親生化轉輪當嚴

薦奉今有祈向敢不騰聞弟子某伏為仙化

本師某往以善因獲察真品佩奉高妙宗仰

正真而仙品未充塵勞未靜遽纏疾厄遂至

淪亡雖常數之有終由後人之貽累追悔莫

及奈毒難任深憂積集之愆尚累超昇之便

欲求懺悔以福幽明弟子某等伏自積劫以

來受生之後上恃君父不孝尊親就偽棄真

背師欺友或殺生殘忍戕害無辜姪伯賢良

輕法親屬或取食物命咀嚼辜竊弄寶經

評論仙聖怨畧四大穢慢三光呪詛神明自

欺形影或妄傳經教輕泄天書不合典儀犯

干天憲或受人賤信施用不公榮潤已身支

贍親黨或破齋毀戒有犯玄科下負人倫上

違經錄名書愚薄功落青編惡至滅身禍延

師表冥冥長夜精爽何之非自責陳何能升

濟以今修齋行道悔過知非存歿罪愆咸希

除蕩伏願至真大道無上眾尊告下鄂郡公

宗二十七獄陰陽水火百二十曹削除七世

以來生死罪對得居寬縱放赦形魂託生中

華受氣智慧宗奉玄科振揚法音為人天師

證虛無道次願

帝王萬壽臣佐一心四海同文八紘共軌三

塗六趣九夜重冥親見光明免諸罪惱蠲飛

蠢動率土普天同賴洪恩咸升福岸上明

天尊大慈之澤下副臣等懺謝之誠謹啓以

聞

十二願 復鑑

謹攝香官使者左右龍虎君侍香諸靈官當

令臣向來臨午行道之所自然生金液丹碧

芝英百靈眾真交會在此香火鑪前當願十

方仙童玉女接待蘭烟傳臣向來所啓之誠

速達徑御

太上無極大道

昊天玉皇上帝

東極救苦青玄上帝御前

出堂頌 出戶

道門科範大全集卷之七十六